



Manifesto

Adi, ando 10to novemberi 2018, 16 orenge, 100 berscha pal o kisetinipe le 1ti themeskere haburistar, savo but desch berscha i europitiki civilisacijona phagertscha, na gondolinas tschak upri historiija, amen te amari cukunft ande amare va las.

Cajt hi, o primintschago la Europatar tschatschikan te kerel taj upro keripeskero gondo le europitike khetanipeskere projektostar pal te gondolinel.

Amen, le cilen, save akan andi Europa dschin, use polgarkiji taj polgartscha la europitika republikatar, keras. Amen amaro ferantvoatinipe le universali erbejistar la khetana deklaracijonatar le manuschengere tschatschipendar aun las, taj priminas, hot tschatsche le on.

Amen dschanas, hot o rajipe la Europatar upro schelberschengero ar tschoripe avre kontinentendar taj upro teldschumipe avre kulturendar paschlol. Vaschoda amen amari phuv odolencia ulavas, saven amen upral lengeri phuv tradijam. Europitiko odo hi, ko le te ol kamla. I europitiki republika i erschti joma upro drom usi glajchi demokracija hi.

I Europa le nacijionali schtotendar na ulo tschatscho.

O gondo le europitike khetanipeskere projektostar phukado ulo.

O foro andrutnon le schtotiskere granicijendar taj o Euro oni politischi hibo, loke use jek tschoripe jeka nejoliberali agendatar ulo, save le gondoske le socijali tschatschipeske na use phenen.

Vaschoda o rajipe ando europitike institucijontscha and lim iste ol, kaj o khetano foro taj o khetane loj ande jek khetani europitiki demokracija kerde schaj on.

Mint Europa butschol: Manuscha khetan te anel taj na schtotscha te integririnel.

Upro than la autonomijatar le schtotendar akan i autonomija le polgarkijendar taj polgarendar al. Amen i europitiki republika upro gondo le khetane politischi glajchi kojastar keras, karsaj nacijonaliteta taj telschtaminipe. O konstitucioneli ledschaschtscha la europitika republikatar o fori taj o regijoni hi. O di alo, kaj pe o kultureli mindenfelitiko la Europatar akan ando politischi jekipe bulharel.

O europitiko rot tel beschardo hi.

Le europitike parlamento sor hi, tschatschipscha te kerel.

Jek europitiki regirung völinel, savi le latschipeske le cile europitike polgarkijenge taj polgarenge ando glajchi falato aun pe lel.

I europitiki republika te dschil!

Prik bescharipe: Josef Schmidt